



SEPAK TAKRAW PERATURAN PERMAINAN SUKAN BEKALAN AIR SE-MALAYSIA



SBAM | 2023
KEDAH



SADA

PERATURAN PERMAINAN SEPAK TAKRAW ANTARA REGU SUKAN BEKALAN AIR SE-MALAYSIA

Perkara 1: Nama

Pertandingan ini dinamakan Pertandingan Sepak Takraw Antara Regu Sukan Bekalan Air Se-Malaysia.

Perkara 2: Undang-Undang/Peraturan

Kecuali apa yang disebut di dalam peraturan pertandingan ini maka undang-undang Persekutuan Sepak Takraw Antarabangsa (ISTAF) dan Peraturan Am Sukan Bekalan Air Se-Malaysia.

Perkara 3: Penyertaan

Kelayakan penyertaan hendaklah mematuhi Perkara 5 dalam Peraturan Am Sukan Bekalan Air Se-Malaysia.

Perkara 4: Kategori Permainan

Sepak Takraw antara Regu (Regu A, Regu B).

Perkara 5: Kelayakan Pemain

1. Tiap-tiap regu mestilah mempunyai sekurang-kurangnya 3 orang pemain sebelum satu-satu pertandingan dimulakan. Jika kurang daripada ini regu tersebut dikira menerima kekalahan. Setiap agensi dibenarkan menghantar 2 regu/10 pemain iaitu 5 pemain untuk setiap regu.

Bil.	Perkara	Jumlah
1.	Pengurus Pasukan	1 Orang
2.	Jurulatih Pasukan	1 Orang
3.	Regu A	3 Orang
4.	Regu B	3 Orang
5.	Simpanan	4 Orang
Jumlah		12 Orang

2. Semua perlawanan dimulakan mengikut masa dan jadual pertandingan yang telah ditetapkan.

Perkara 6: Pertukaran Pemain

1. Mana-mana pemain yang telah bermain atau disenaraikan sebagai pemain simpanan dalam mana-mana regu, tidak dibenarkan bermain dalam regu yang lain di dalam pertandingan yang sama.
2. Pemain gantian dibenarkan bermain menggantikan pemain utama dengan mengisi borang gantian oleh Pengurus Pasukan kepada Pengadil. Setiap regu dibenarkan membuat 1 gantian sahaja untuk setiap set dan 2 kali pertukaran untuk setiap perlawanan.

Perkara 7: Pakaian Pertandingan dan Peralatan

1. Sila rujuk Peraturan Am Perkara 9 Sukan Bekalan Air Se-Malaysia.
2. Ketua regu mestilah dilantik dalam setiap regu semasa permainan dan dikehendaki memakai tanda dilengan 'Arm Band'. Semua pemain hendaklah memakai jersi yang seragam dan bernombor.
3. Bola takraw jenama Gajah Emas akan digunakan dalam kejohanan ini.
4. Nombor jersi adalah dari 1-20 sahaja yang dibenarkan dalam kejohanan ini.

Perkara 8: Penentuan Kumpulan

Sila rujuk Peraturan Am Perkara 8 Sukan Bekalan Air Se-Malaysia.

Perkara 9: Menarik diri, Memberi Kemenangan Percuma dan Gagal Hadir

Perkara 11 dalam Peraturan Am Sukan Bekalan Air Se-Malaysia digunapakai.

Perkara 10: Perlawanan Ditunda atau Dihentikan

1. Sekiranya pengadil berpendapat bahawa gelanggang tidak sesuai untuk permainan disebabkan oleh keadaan cuaca atau kerana hal-hal yang tidak dijangkakan, perlawanan itu tidak dapat dimainkan atau sekiranya sesuatu perlawanan dihentikan akibat hal-hal di luar kawalan kedua-dua pasukan, maka perlawanan yang ditunda atau diberhentikan itu akan ditetapkan oleh Jawatankuasa Teknikal Pertandingan.
2. Pengadil boleh memberhentikan permainan jika berlaku halangan, gangguan atau pemain tercedera dan memerlukan rawatan segera, tidak melebihi 5 minit.
3. Jika selepas 5 minit pemain masih tidak berupaya, gantian pemain mestilah dilakukan, jika regu ini telah membuat pertukaran, maka regu lawan akan dikira sebagai pemenang.

4. Sepanjang tempoh permainan diberhentikan, semua pemain tidak dibenarkan keluar gelanggang atau minum atau mendapat tunjuk ajar.
5. Perkara 10 dalam Peraturan Am Sukan Bekalan Air Se-Malaysia digunapakai.

Perkara 11: Sistem Pertandingan

1. Secara Liga
 - a) Sistem kiraan 21 mata/set 'Best of 3'
 - b) Cara memberi mata:
 - Menang: 3 mata.
 - Kalah: 0 mata.
2. Jika 2 atau lebih pasukan mendapat jumlah mata yang sama, maka pemenang akan ditentukan seperti berikut:
 - a) Jumlah perbezaan set tertinggi akan dikira sebagai pemenang.
 - b) Jika masih seri, jumlah perbezaan mata set tertinggi akan dikira sebagai pemenang.
 - c) Jika masih seri, pertemuan awal antara pasukan yang berkenaan diambil kira. Pasukan yang pernah mengalahkan lawannya dikira pemenang.

Perkara 12: Bantahan

Semua bantahan yang dikemukakan oleh mana-mana pasukan hendaklah mematuhi Perkara 16 dalam Peraturan Am Sukan Bekalan Air Se-Malaysia.

Perkara 13: Keadaan Luar Jangka

Perkara 19 dalam Peraturan Am Sukan Bekalan Air Se-Malaysia digunapakai.